## 山庫全幸

史部

欽定四庫全書文獻通考卷九

史部

詳校官內閣學士臣尹壯圖

編修臣程嘉謨覆勘

校對官中書臣陳 覆校官中書臣孫希旦 謄録貢生臣陳廷鎮 林

へい りえ ここ 雜鉛錫惡錢往來換易好錢如有私載並行收 並宜禁斷沿江 陽 年 馬 日本日本の一種 文大通考 臨 市行 船到岸嚴加覺察不 青 1便錢内檢點雜 與 著

貴多是銷鎔見錢以邀厚利宜適告晚如元售破損銅 通規宜令三京諸道州府城門所出見錢如五百以上 器每斤四百如違省價買賣之人依盜鑄錢律文科斷 器及碎銅即許鑄造銅器生銅器每斤價定二百熟銅 天成元年中書門下奏訪聞諸道州府所買賣銅器價 金年正ととき 不得放出 一年物買賣人所使見錢舊有條流每陌八十文近訪 又勅諸道州府約勒見錢素有條制若全禁斷實匪 卷九

收捉禁治 四年制今後行使錢陌內捉到一丈二文係夾帶鉛鐵 晉天福三年詔曰國家所資泉貨為重銷盡則甚添鑄 有買賣並須使八十陌錢如有軟将短錢與販仰所在 聞在京及諸道市肆人戸皆将短陌轉換長錢今後凡 錢仍以天福元寳為文左環讀之每一錢重二銖四余 錢所使錢不計多少納官科罪 無聞宜令三京諸道州府無問公私應有銅者並許 支次通考

造不得入鉛鐵及鉄落不堪久遠流行 金定匹尼生言 其年十 官鑄造私下禁售法 四年勅以天下公私鑄錢雜以鉛錫缺小違條今後祗 两宜令天下公私應有銅欲鑄錢者取便酌量輕重鑄 得接便別鑄銅器 百姓取便開錬永遠為主官中不取課利除鑄錢外 十錢重一兩仍禁将鉛鐵雜鑄諸道應有久廢銅冶 二月勅先許鋳錢切慮逐處缺銅難依先定錄 表九 許

面 賣許人戶收買與販朝廷及諸州見管法物軍器舊用 罪死不及者論刑有差其銅鏡官中鑄於東京置場貨 五十日内悉令輸官給其直過期隱匿不輸五斤以上 器及寺觀鐘磬뜘鐸之類聽留外自餘民間銅器佛像 シュンロット シュラ 周顯德二年帝以縣官人不鑄錢而民間多銷錢為器 漢隱帝時王章為三司使聚飲刻急舊制錢出入皆以 及佛像錢益少乃立監采銅鑄錢自非縣官法物軍 十為陌章始令入者八十出者七十七謂之省陌 文气通考

金岁巴尼人 内有合使銅者奏取進止 銅製及装飾者候經使用破壞即仰改造不得更使 佛志在利人雖頭目猶捨以布施若朕身可以濟 茍志於善斯奉佛矣彼銅像者豈所謂佛邪且吾聞 亦非所惜也 謂侍臣曰卿革勿以致佛為疑夫佛以善道化人 致堂胡氏曰令之而行禁之而止惟為人所難者 能若世宗欲禁銷錢而毀銅像是也銅像人所敬 卷九 銅

17.10 mon 11.15 散也以質遠方之質故也上好之下效之於是關 錢為器其利十倍錢所以權百貨平低即其鑄之 世宗禁之則不以泉貨質遠方之寳可知己錢之 為器錢雖毀而器存馬若夫散而四出舟遷車轉 也不計費不謀息今而銷之可不禁乎雖然銷而 策六軍不敢犯法曰是尚欲除佛者亦猶是也銷 畏尚且毀之錢之不可銷必矣韓愈拜京兆尹神 人於他國歸於蠻夷其害豈特為器而已而不 文状通考

金少世五人二日 當十文曰永通泉貨誤得罪而大錢廢韓熙載又鑄 鐵錢以一當二 唐主李璟既失江北困於用兵鍾謨請鑄大錢以 區區器像又何濟乎故惟至廉無欲然後可蓄生 中國之錢真可流於地上矣 價靡有限之錢雖萬物為銅陰陽為炭亦且不給 防不嚴法制隳壞真錢日少偽錢日多以不貲之 人之共寶而又關防嚴密法制具在鼓鑄不廢則 表九

太宗親書淳化元寳作真行草三體自後每改元必更 宋初錢文曰宋元通寳太平與國後又鑄太平通寳錢 へいりらい これ 易凡十當銅錢一兩浙河東自鋳銅錢亦如唐制西 錢有銅鐵二等五代相承用唇錢諸國割據者江南 泉寳徑寸以一當十福建如唐制 川湖南福建皆用鐵錢與銅錢兼行湖南文曰乾封 曰唐國通寳又別鑄如唐制而家文其後鑄鐵錢每 一錢以鐵錢六權銅錢四而行乾德後只以鐵錢貿 文队通考

真宗成平四年舊制犯銅禁七斤以上並奏裁處死詔 乾德五年禁輕小惡錢限一月送官 鑄以年號元寶為文 太祖皇帝建隆二年禁諸鐵鑞錢民間有者悉送官 金牙匹尼生言 諸州私用各隨俗至有以四十八錢為陌是歲所在 用七十七陌為貫及四斤半以上 國初因漢制其輸官錢亦用八十或八十五為陌然 自平廣南江南聽權用舊錢勿得過本路之境 卷九

鐵錢者川陝福州承舊制用之 開寶三年令雅州百丈縣置監鑄領 天禧三年詔犯銅翰石並免極刑 自今滿五十斤以上 太平興國公 銅錢並行尋罷鑄 後令兼行銅錢一 鑄銅錢有四監饒州曰永平池州曰永豐江州曰廣 八年以福建少銅錢令於建州鑄大鐵錢與 當鐵錢十 取裁餘第減之 文文通考 鐵錢禁銅錢入两川

至 增 寧 布 用 張舊 州 銅 銅三斤十兩鉛 有濟衆 詠皆 後貫 百 五两減鉛如其數至道中 百五萬貫鐵錢有三監邛州有惠民嘉州有豐遠 州口豐國京 西用 八十三萬貫大中 m 4-轉鐵亦益 五運錢有州 斤使十 監雅 杭師 黄當 後州 州昇 為两觀銅麼舊 郛 有 两錫 成同錢 器 寶州 祥符後銅坑多不發天禧 "錢貫重十二斤十兩以准 直 裁之 興南 監 銅度 安 錢嘉 景 兩成重五斤惟 後軍 邛德 並 售 發並 .1-ÍΤ 之有 鑄知 直 相大益 建 兼鐵州 州

欽定匹庫

全書

多諸州錢皆輸送其轉易當給以錢者或移用他物 其後定外地閑慢州乃許指射自此之後京師用度益 太祖時取唐朝飛錢故事許民入錢京師於諸州便换 **くこしりこうこうこ** 開寶三年置便錢務令商人入錢者詣務陳牒即 經三司投牒乃輸於庫所由司計一 之行 铱中 先是許商人入錢左藏庫以諸州錢給之而商旅先 歲總鑄二 鮮利請減景德二符七年知益州凌 萬餘貫 ・しいりしり 年之制其見使舊錢亦令 策言錢輕則行者易齋錢 絡私刻錢二 H

**珹嘗守蜀乞禁交子薛田為轉運使議廢交子則貿易** 六户主之其後富人貲稍衰不能償所負爭訟數起冦 初蜀人以鐵錢重私為券謂之交子以便貿易富人十 不便請官為置務禁民私造詔從其請置交子務於益 背 輦致左藏庫給以券仍策諸州凡商人齎券至當日 給付不得住滯違者科罰自是毋復停滯至道末商 便錢一百七十餘萬貫天禧末增一百一十三萬 表九,i

金牙匹厂全書

帛錢流民間 三司以江東福建廣南歲輸絡錢合三十餘萬易為金 諸路錢歲輸京師四方蘇此錢重而貨輕景祐初始詔 州 **劑銅居六分鉛錫居三分皆有奇贏鑄大鐵錢用鐵** 許申者為三司度支判官建議以藥化鐵與銅雜 一百四十两得錢千重百九十二两此其大法也有 [鑄銅錢用劑八十八兩得錢干重八十兩十分其 丈尖通考

皇宋通賀為文慶歷以後復冠以年號 銀好四日人全書 時軍與陝西移用不足始用知商州皮仲容議采洛南 寶元元寶詔學士議因請改曰豐濟元寶仁宗持命以 國朝錢文皆用元寶而冠以年號及改號寶元文當曰 其液流速而易成申雜以鐵鐵澁而多不就工人苦 得錢干費省而利厚認鑄於京師然鑄錢雜鉛錫則 輕重如銅錢法而銅居三分鐵居六分皆有奇贏亦 之後卒無成

致関中數州錢雜行大約小銅錢三可鑄當十大銅錢 勅江南鑄大銅錢而江池饒儀號州又鑄小鐵錢悉輦 當十以助關中軍費未幾三司奏罷河東鑄大鐵錢而 鑄小錢及全徙河東又鑄大鐵錢於晉澤二州亦以 與小錢兼行大錢一當小錢十奎等又請因晉州積鐵 陕西復采儀州行尖翁黃銅置博濟監鑄大錢朝廷因 縣紅崖山虢州青水冶青銅置阜民朱陽二監以鑄錢 大子、ヨラヤ人でき 一而陝西都轉運使張奎知永與軍范雅請鑄大銅錢 大獻通考

|錢以二當銅錢一行一年又以三當一或以五當一能 炭家有豪冶之具盗鑄者莫可詰而北處亦能鑄鐵錢 官鎮日鑄且行售錢知澤州李昭邁亦言河東民烧石 其患如陝西言者皆以為不便知并州鄭戩請河東鐵 於是奎復奏晉澤石三州及威勝軍日鑄小鐵錢獨留 用河東而河東鐵錢既行盗鑄者獲利十六錢輕貨重 以易並邊銅錢而去所害尤大朝廷當遣魚周詢歐陽 以故民間盗鑄者衆錢文大亂物價翔踴公私患之

者以鑄大銅錢得利厚而官不能必禁若鑄大銅錢無 直於下終取償於上縣官雖有折當之虛名乃罹虧損 多致姦人盗鑄其用日輕比年以來皆虛高物估始增 之實害救弊不先自損則法未易行請以江南儀商等 御史中丞楊察與三司雜議時葉清臣復為三司使與 **修分察兩路錢利害至慶歷末遂命學士張方平宋祁** 州大銅錢一當小銅錢三又言姦人所以不鑄小鐵錢 方平先上陜西錢議曰關中用大錢本以縣官取利大 てこりう! Air 文獻通考

皆以 始鑄當十錢後兵罷多盜鑄者乃以當三又減作當二 神宗熙寧四年陝西轉運使皮公弼言頃歲西邊用兵 咨怨久之始定 其後詔商州罷鑄青黃銅錢又令陝西大銅錢大鐵錢 鑪朝廷皆施用其言自是姦人稍無利猶未能絕濫錢 金万口にんき音 又請河東小鐵錢如陕西亦以三當一且罷官所置 又將鑄小鐵錢以亂法請以小鐵錢三當銅錢 當二盗鑄乃止然令數變兵民耗於資用類

錢從之其後折二錢遂行天下 いこののうことをう 行之至今銅費相當盜鑄衰息請以舊銅鉛盡鑄當二 慶歷中陝西河東皆用鐵錢後小鐵錢獨行於河東 四十萬編積在同華二州熙寧詔賜河東以鐵償之 以錢四十得偽錢一斤及銅錢干易當二錢干其實 以所買惡錢悉改鑄大錢泰鳳轉運使熊本言今雖 水與路安無吳中復請以錢四十買缺薄惡錢一 而陕西許用銅錢及大鐵錢以一折二然小鐵錢凡 大熟通考

以抹災 絡公私流布日用而不息上自社稷百神之祀省御 課上下百萬稱天下歲入茶鹽酒稅雜利僅五千萬 竟也且民賣干錢得二百五十折二大錢才易其半 鐵錢一斤才當斤鐵耳千錢為鐵六斤鑄為錢二千 判應天府張方平上言臣向者再總邦計見諸鑪歲 而以銅錢干易之官失多矣又錢多一年改鑄未得 又禁其通行大錢則方災傷民所有錢四亡其三何

金分匹尼人三

老九

・ ・ ラー ンドラ 後財利之入乃至三倍於景德之時而國計之費更 宗西祀汾雅南幸毫宋未當聞加賦於民而調度克 馬平河東討拓跋歲有事於契丹真宗以是東封公 茶鹽酒稅歲課一千五百餘萬緣太宗以是料兵閱 稱不賠則是本末之源盈虚之數其疎闊不侔久矣 集至仁宗朝重熙累盛生齒繁庶食貨滋殖慶歷以 取給出納大計備於此矣景德以前天下財利所入 供奉官吏原禄軍師乘馬征戍聘賜凡百用度斯馬 文次通考

銀年四日在言 陛下憫時事之積弊志在變而通之創立法制儿大 自出是謂正稅外有沿納諸色名目雜錢十一萬三 係折約穀帛惟屋稅五千餘貫舊納本色見錢大體 千有零貫已是因循弊法然雖有錢數實不納錢並 内七縣共主客六萬七千有餘戶夏秋米麥十五萬 率錢募役一法為天下害實深且舉應天府為例無 措置事以十數要在經國利民崇德而廣業也其中 二千有零石絹四萬七百有零疋此乃田畝桑功之

久三日子一十二十二人 冶場監本價此所以發之也屋廬正稅茶鹽酒稅之 壞散無節錢不可得殺帛益賤凡公私錢幣之發飲 其則不遠百官羣吏三軍之俸給夏秋雜買穀帛坑 賣銅之法外則泄於四夷內則縱行銷毀鼓鑄有限 苗錢八萬三千六百餘貫累計息錢一萬六千六百 法也今乃歲約役錢七萬五十三百有零貫文散青 有零貫此乃歲輸實錢三千餘貫又处邊關之禁開 古今賦役之制自三代至於唐末五代未有輸納之 文献通考

年皮公码又請鑄鐵折二錢從之 御史周尹言臣去冬奉使經由永興泰鳳路伏見盗 出 問錢荒故方平極言之 自王安石為政始罷銅禁姦民日銷錢為器邊關海 課此所以飲之者也民間貨布之豐寡視官錢所出 舶不復譏錢之出國用日耗又青苗助法皆徵錢民 之多少官錢出少民間已乏則是常賦之外錢將安

巴人 生

逐路揀選鐵錢萬數不多今三司指揮更不行用仍 損一分所以不當輕有奏請昨來朝廷是汪輔之往 錢貨起初元以一當十後來減為折三近歲又作折 行改鑄務監每一日鑄及三千貫即一年之內除節 約有數百萬餘貫民間收藏者循不在其數緣上件 而民間盗鑄者費少利倍又訪開得所在官中積聚 鑄錢不少問其本末蓋是錢法用一當二鐵錢易得 二已於國家重貨十損其八若更作一文行用即又

くこりうこくこう

文制通考

農商交易獲农貨流通之利且約官中所有止就四 定亦不可止絕臣欲望作折二鑄錢更不別行改鑄 百萬貫言之若以二為一即循得二百萬貫之數致 獲之利不充所費自然無復冒禁作過歲省重辟而 亦不須揀選起自今後只作一文行用則盗鑄者所 數也若改鋳之法或只仍舊作折二錢即民間盗鑄 三二年間未滿數百萬貫况日課未必及三千貫之 假的假實有三百日課程約只得九十萬貫以來計

金安正匠

卷儿

鐵錢九監鑄錢八十八萬九千二百三十四貫 九干二百三十四貫內銅錢十七監鑄錢五百六萬貫 諸路鑄錢總二十六監每年鑄銅鐵錢五百四十九萬 銅錢逐監錢數 スミコ事を言う 永與軍華州陝府錢監各鑄二十萬貫計六十萬貫 阜財監兩京二十萬貫 力簡省便可得用 垣曲監絲州二十六萬貫 文献通考 黎陽監衛州二十萬贯 同安監舒州 五

鐵錢逐監錢數 金厂工 買 貫 國監建州二十萬貫 四萬五千貫 貫 民監惠州七十萬貫 在城朱陽兩監報州各十二萬五千貫 神泉監睦州 熙寧監衡州 廣寧監江州三十四萬貫 水平監能州六十一萬五千貫 老九 十萬貫 一萬貫 水通監韶州 實泉監第州 富民監 水豐監池州四 典國 十萬貫 阜民洛南 軍 一十萬 萬 曹

銅錢一 銅鐵錢兩路行使 人につうことがら 湖南路 開封府界 兩監 鎮战州兩監共二十五萬貫 2/3 雨浙 州七萬三千二百三十四貫 十三路行使 商州各十二萬五千貫 路 荆湖北路 京東路 福建路 文獻通考 京西路 江南東路 廣南東路 嘉州二萬五千貫 威遠鎮通遠軍沿山 河北路 與州四萬一千貫 江南西路 廣南西路 + 淮 南路 荆

鐵錢四路行使 哲宗元祐六年申錢幣闌出之禁立銅錢出界徒流編 金ケゼ 成都府路 陜府西路 監與所鑄錢數目及行使地分詳明今録於此蓋 右元豐間畢仲行所進中書備對言諸路銅鐵錢 餘萬貫鐵錢增六監而所鑄增六十餘萬貫云 Ŀ 國初至景德中則銅錢增九監而所鑄增三百 とうこと 梓州路 河東路 老九 利州 路 變州路

文三コラワミする = 配首從之法 錢幣公私交易並使本朝銅錢沿邊禁錢條法雖 計而所在常患錢少蓋散入四夷勢當爾也謹按 深重而利之所在勢無由止本朝每歳鑄錢以百萬 言者謂自熙寧七年削除錢禁以此邊關重車而出 海舶飽載而回沿邊州軍錢出外界但每貫收稅錢 户部侍郎蘇轍北使還論事宜曰臣切見北界別無 而已是中國貨寶與四夷共用之也 文献通孝 ŧ 極

经历厄瓦 鐵錢兒換般入近裏州郡如此則雖不禁錢出外 錢而行使之地止於極邊諸州極邊見在銅錢並以 路則未嘗鼓鑄臣等當開議者謂可於三路並鑄鐵 法久遠以敗河東雖有小鐵錢然數目極少河北 **僅能比銅錢十而官用鐵錢與銅錢等緣此解鹽鈔** 而其弊自止矣伏乞下户部令過問三路提轉安撫 萬數極多與銅錢並行而民間輕賤鐵錢鐵錢十五 北河東陝西三路土皆產鐵見今陝西鑄折二鐵錢 老九

たこ

錫錢左僕射祭京奏據陜西轉運副使許天啓申送到 **徽宗崇寧二年二月庚午初令陝西鑄折十銅錢并夾** 萬貫鐵錢鑄二百萬貫自來鑄錢張官置吏招剌軍兵 新鑄銅錢鐵錢樣已降指揮銅錢於歲終須管鑄三 くこうころ シュー 利不小 數郡訪開每歲秋成以假銅錢於北界人戶收雜乞 令相度若以紬絹優與折博有無不可此計若行為 司詳講利害如無室礙乞早賜施行惟河東路極邊 丈火通考

其 軍工相兼鼓鑄今來所鑄銅錢除陝西四川河東係鐵 鋳錢之意欲令許天啟相度疾速准此施行仍與舊來 **鑄最多召募私鑄人令赴官充鋳錢工 匠廣為營屋許** 所費不少而軍兵之役最為辛苦官得至薄率三錢得 錢之利蓋是久失擘畫今陕西河中府等處民間私 價又可收私鋳人在官蓋昔人招天下亡命即山 家人力鼓鑄計其工直率十分中支若干分數充 一家之人在營居止不必限其出入官給以物料盡

金定四库生言

表九人

重每一 錢當銅錢二支用令許天啓相度依此施行從之 錢地分更不得行使外諸路並准折十行用其錢唯令 陝西鐵錢地分鑄造却於銅錢地分行使貴絕私鑄之 1. 10 mm 111 1 當三當十鐵錢從之 錢鐵為兵器若雜以鉛錫則脆不可用請改鑄夾錫 夾錫錢始於二年河東運判洪中孚言二敵以中國 如有私鑄並以一文計小錢十科罪又陝西銅錢至 錢當鐵錢三或四今來錫鑄造樣製精好欲 文、通与 ナ九

五年祭京罷相監察御史沈畸言古者軍興錫賞不 湖江浙當十錢並改作當五錢 其本路別鑄小平錢以閱廣係出銅處故也又詔剂 南福建路更不行使當十錢有者兒換於别路行使 四年尚書省言東南諸路盗鑄當十錢者多乃詔廣 尚書省言崇寧監鑄御書當十錢每贯重一十四斤 七两用銅九斤七兩二錢鉛四斤一十二兩六錢錫 斤九兩二錢除火耗一斤五兩每錢重三錢 表九了

金年でたる言

12 17 ことこ 自一百至十貫止令通用行使如川釣引法 於今尤見室礙蓋小平錢出門有限有禁故四方客 張商英為相上言當十錢自唐以來為害甚明行之 河許行諸路並罷令民於諸縣鎮塞送納給以小鈔 太平無事之日自為當十之議召禍起姦将手之民 繼或以一當百或以一當千此權時之宜豈可行於 之其勢不可遏也 六月詔當十錢惟京師陝西兩 朝鼓鑄無故而有數倍之息何憚而不為雖日斬 文人直考

銀定四年全書 盗鑄為溫害法限半年更不行用令民間盡所有於 借支應干封椿金銀物帛并鹽鐵等下令以當十錢 養自當十錢行一夫員八十千小車載四百千錢既 所在州軍送納每十貫官支金銀物帛四貫文擇其 則難行輕重之勢然也今欲權於內庫并恣院諸司 為輕齎之物則告牒難售鹽鈔非操虛錢而得實價 而餘錢又流布在街市小民間故官司內外交相利 旅物貨交易得錢者以入中求鹽鈔收買官告度牒 **卷九** 

こうこつここ 施行乃可議権貨通商鈔法 偽鑄者送近便改鑄小平錢存其如樣者俟約官足 **十贯作三贯文各摄還元借處然後京城作舊錢禁** 終不能得考夫古人之訓子母相權之說因作 慮三百餘萬貫及元祐 紹聖而廢弛崇寧初則已 鋳之額日增至慶歷元豐間為最盛銅鐵錢歲無 不及祖宗之數多矣魯公秉政思復舊額以銅少 蔡條國史補國朝鑄錢沿襲五代及南唐故事歲 文制直考

銀戶口匠全書 而贈官吏運銅鐵悉在外也的稍加工則費一錢 鼓冶凡物料火工之费鑄一錢凡十得息者一二 作粗惡遂以很多成弊大觀三年魯公既罷朝 四矣始亦通流又以其精級人爱重之然利之所 在故多有盗鑄如東南盗鑄其私錢既鉄簿且製 之用始能成一錢而當十錢者其重三錢加以鑄 一錢之費則製作極精妙題得大錢一是十得息 當十至大觀上又為親書錢文馬蓋昔者 卷九 .

為額 二年以河東公私共苦運鐵錢勞費詔置路州交子務 熙寧元年始立偽造罪賞如官印文書法 ハス・リー・ ハー・ 笑 金在都金銀鋪未之知不兩月命下時傳以為弘 而大錢遂廢初議改當三也宰執爭雄錢而市黃 改為當三當三則折閱倍馬雖縣官亦不能鑄矣 天聖以來界以百二十五萬六千三百四十

損鈔價於是罷陕西交子法 九年以措置熙河財利孫適言商人買販年利於官且 两界自此始 十五界者百二十五 萬以償二十 三界之數交子之有 言其不便未幾竟罷其法 奏能之四年復行於陕西而罷永與軍鹽鈔務文彦博 明年漕司以其法行則罄鹽不受有害入中糧草之計 金分四庫全書 五年交子二十二界將易而後界給用已多詔更造二 卷九

一交子務已改為錢引務欲以四十三界引準書放數 界年新交子一乃當舊者之四故更張之成都漕司奏 其法以助兵費較天聖一界逾二十倍而價愈損及更 大觀元年改四川交子為錢引自朝廷取湟廓西寧籍 崇寧元年復行陝西交子 舊額書放百四十萬六千三百四十編 本路之用請更印製詔一界率增造十五萬稱是歲通 紹聖元年成都路漕司言商人以交子通行於陕西而 12.10. 1 /1. 1 V 文人五考 Ŧ

止直一百文盖心官司收受無難自然民心不疑便 鐵錢難較其直增損詔令以銅鐵錢隨所用分數比計 問貿易十千以上令錢與引半用言者謂錢引雜以 詔陕西河東數路引直五千至七千而成都幾直二三 用舊印行之使人不疑擾自後並更為錢引從之 百豪右規利害法轉運司覺捕扇感之人準法以行民 相轉易通流增長價例乞先自上下請給不支見錢 銅錢開奏 知威州張特奏錢引元價一貫今每道

金牙巴尼生書

老九,

增造無藝至引一絡當錢十數 界備本錢三十六萬絡新舊相因大觀中不蓄本錢而 抑勒仍嚴禁止害法不行之人從之 並支錢引或量支見錢一二分任取便行使公私不得 高宗紹與三年劉大中宣諭江南歸言泉司官吏之费 歲十三萬絡請省官屬從之 為福建蔡京之鄉里也故免馬 東西淮南京師諸路惟福建江浙湖廣不行趙挺之以 丈太通考 錢引崇寧問行於京 大儿舊歲造 盂

欽定 监萬 四 敝 朝 鼔 五 四年全世 錫之 十郛 **-**饒 萬 鼓 鑄 十 綨 州 + Ξ 州 鑄饒 へ不及 絡 四建 充 皆 萬 育 司後 充 萬寧 上 鞒來 麽 梧泉 供 池 州監 逐 四豐 州八 寧饒 元十 八在 路 百團 江 紹 衡 八舊而官 支 係饒 監 豐萬 州 興 州 建寧府 初 水 舒 監韶 巡州 用 二 卷 歷置 嚴 十平 十州安衡 蒇 吏 八永監州 郛 四監 廣寧監於皮 廪 鋳 萬通 咸 萬四 韶 四監 梧 池十 監 萬 寧 稍 總 歲 嚴監 州六 建 州 工 及 鑄 炎兵草 永萬 六 州二 監 萬緡 神十 豐五 銅 州并永 歲鑄 錢 费 监千 泉萬 百 視前 監舒 江 Ξ 116 VZ. 十州 豐 縣 州 百 銅 廣 五同 監 困 IJ

既籍定投務外不得添鑄 銅器告者有賞其后得銅二百餘萬斤寺觀鐘磬鏡 REDICELES IN 二十九年立為限制命官之家存留見錢二萬貫民庶 二十八年上命御府銅器千五百事付泉司大索民間 自若也每鑄錢一干率用本錢二干四百文時范汝 為作亂權罷建州鼓鑄二年復鑄十二萬絡泉司應 銅錫六十五萬餘斤 四年罷鋳錢可歸之漕司 文獻通考 孟

半之餘限二年聽變轉金銀算請茶鹽香礬鈔引之類 近嘉泰開禧皆如之 孝宗隆興元年詔鑄當二小平錢如紹興之初自乾淳 越數隱寄許人告 金罗巴尼台電 六年并鑄錢司歸發運司 七年復置 流通縣官費重而不能廣鑄故為此末策耳 按此即唐元和問所行皆是以民間錢少而不能 卷

くこつ 司 ハナラ 淳熙二年併贛州歸饒州而加都大馬 八年於饒贛各置提熙官 錢清雜詔提點鑄錢及永平監官左藏西庫監官戶 自大中祥行及崇軍以來錢皆精好高宗嘗諭近臣 工部長貳議罰有差 欲盡如舊制不較工料之費乾道八年孝宗以新鑄 六十萬三年一郊又支一百萬赴三司是內帑每年 祖宗內谷歲收新錢一百五萬建四監而每年退却 文獻通考 美

金牙巴匠之言 藏成無馬又自國家置市船於浙於閩於廣船商 終得十一萬六千餘絡而左藏得九十三萬三千餘 點巡捕之送一為虚文於是許火內人告以其物貨 監送放洋然商人先期以小舟載錢離岸及官司之 來錢寶所由以泄是以自臨安出門有禁下江有禁 絡也今歲額止十五萬而隸封椿者半內藏者半左 之半充賞又或以裝發則舶回日亦許告首盡以回 入海有禁凡船船之方發也官必點視及遣巡捕官 徃

依出界法 鑄銅錢乾道初詔兩淮京西悉用鐵錢荆門隷湖北 境者不知其幾於是沿邊皆用鐵錢矣所以淮南舊 金錢四司既自犯法郡縣巡尉其能誰何至淮楚屯 臣僚言泉廣二船司及西南二泉司遣舟回易悉載 五月詔蕃商往來夾帶銅錢五百文隨離岸五里外 貨充賞沿海州軍以銅錢入海舶者有罰淳熙五年 兵月費五十萬見錢居其半南北貿易緣錢之入敵

次足四車全書

文献通考

黃州皆產鐵合置監新 錢詔户部支凑二十萬貫為本又 六年詔司農及許子中往淮西措置鐵錢子中言舒 總江 野中 欲取之蜀事既行參政洪适以為不便上然之但 以地接裹峴亦用鐵錢而淮西鼓鑄鐵錢未辨議 工州 軍興 小鐵錢令兩准通行 取十五萬紹行之廬和而已 热團 州軍 子中所管三監 春州 老 監置 黄同 黄舒 州安 詔發運司通管四監 每歲各認三十萬 置監 齊斯 安州 監置 且鑄 即 者

光宗紹熙二年詔郎漕司賑耀收破鉄鐵錢及私錢明 年又降度牒二百道换私鐵錢 七年舒斯守臣皆以鑄錢增羡遷官然淮民為之大擾 錢之在江北者自乾道以來悉以鐵錢收换或以會 官庫以銅鐵錢交换凡沿江私渡及極邊徑路嚴禁 沿江州軍關津去處委官檢察又於江之南北各置 臣僚言江北公行以銅錢一准鐵錢四禁之當時銅 一貫換錢一貫省其銅錢解赴行在及建康鎮江 文獻通考

金牙匹万全書 多山林宜炭鐵仍增鑄十五萬緣未行卒減鑄十萬 紹熙十五年置利州紹熙監鑄錢十萬緡以救錢引地 寧宗嘉定元年即利州鑄當五大錢 十萬貫其料並同當三錢時議者恐其利厚而盗鑄滋 三年制司欲盡收舊引又於紹與惠民二監歲鑄共三 二十二年嘉州守臣王知遠乞復嘉之豐遠邛之惠民 透漏 卷儿

重也 婺州召客人入中執關赴權貨務請錢有願得茶鹽香 會子 **撵鈔引者聽於是州縣以關子充雜本未免抑配而椎** 多而總所方患引直日低雖盗鑄不禁益欲錢輕則引 六年二月詔置行在交子務臣僚言朝廷措置見錢閣 **貨務又止以日納三分之一償之人皆嗟怨** 用錢而舟楫不通錢重難致乃詔戸部造見錢關子付 Manual Kilin 高宗紹興元年因婺州之屯駐有司請棒辦合 文獻通考 主九

二十九年印結公據關子赴三路總領所淮西湖廣各 其不可於是罷交子務令權貨務樁垛見錢印造關子 五等內關子作三年行使公據二年許錢銀中半入納 **剧于八十萬緡淮東公據四十萬緡自十千至百千几** 子有司浸失本意改為交子官無本錢民何以信極論 外流轉其合發官錢並許兒會子赴左藏庫送納明年 二月詔會子務隸都茶場正以客旅算請茶鹽香攀等 三十年戸部侍郎錢端禮被旨造會子椿見錢於城內 金ケヒたとう

於薇池州續造於成都府又造於臨安府會子初止行 會子監官分押每一萬道解赴戸部覆印當時會紙取 首持與免罪亦支上件賞錢或願補前名日者聽日造支賞與補進義校尉若徒中及窩藏之家能自告日造 歲以一千萬貫可以陰助稱提不獨恃見錢以為本又 於雨浙後又詔通行於淮淅湖北京西除亭戶鹽本並 非全仰會子以佐國用也 用見錢外其不通水路去處上供等錢許盡用會子 三十二年十二月詔定偽造會子之罰一千贯如不 へいり ラー へに … 支獻通考 丰 願錢

三年正月度支郎中唐豫言自紹與三十一年至乾道 乾道二年因左司諫陳祐言會子之散出內庫及南庫 置江州會子務 子之印為文更造五百文會又造二百三百文會五年 孝宗隆興元年詔官印會子以隆與尚書户部官印會 如之或全用會子者聽 發其沿流州軍錢會中半民問典賣田宅牛畜車船等 一百萬兩收之 卷九

外會子往往商買低價收買輻輳行在所以六務支 自十 除在官司椿管循環外其在民間者有九百八十萬道 トノスンロラロネニゴ 共繳進過一百一十八萬九千餘貫尚有八百餘萬貫 二年七月共印過會子二千八百餘萬道止乾道二年 揮並要十分見錢州縣不許民戶輸納會子是致 收大約每月收换不過六七十萬緣諸路網運依 近 月十四日以前共支取過一千五百六十餘萬道 一月十四日以後措置收換截至三年正月六日 文献通考 在

問會子有破損者别造五百萬换給他日又詔損會貫 有四百九十萬貫在民間乞存留行使 務欲盡收會子也 召人全以會子入納候出賣將盡中取朝廷節續給降 擁并詔給降度牒及諸州助教帖各五千道付椎員務 罪 四年以取到舊會毀抹截鑿付會子局重造三年立為 百錢數可照者並作上供錢解發巨室以低價沒者坐 ケビアとこ 六月戸部曾懷言會子除收還 老儿 十二月以民

其將帶經過務場不得收稅將芾奏曰此月用會子 抑揚權之在上可以無做其年四月一日興工印造至 歲終可造一千萬貫措置收換舊會每道收糜費錢二 回金銀若會子稍多又出錢銀收之陳俊卿奏曰敛散 曾懷同共指置鑄提領措置會子庫印依左藏庫推 十足零百半之應舊會破損但貫百字存印文可驗者 くこうこうこうに 界界以一千萬貫為額逐界造新换舊差戶部尚書 與兒换內有假偽將辯驗人吏送所司其監官取朝 文獻通考 主

廷指揮每驗出一貫偽會追究元收兒會子人錢三貫 與辯驗人如官吏用心記事無假偽具姓名推賞自十 金好四月在音 淳熙三年詔第三界四界各展限三年令都茶場會子 行用 當時户部歲入一千二百萬其半為會子而南庫以金 庫將第四界銅板接續印造會子二百萬赴南庫椿管 銀換收者四百萬流行於外者總二百萬耳 二月一日始置局收换至明年三月十日終盡絕更不

**文里可以有** 范成大攬轡銀載廣本無錢惟煬王亮當一鑄正隆 中國指幣於汴京置局造官會謂之交鈔擬見錢行 錢絕不多餘悉用中國舊錢又不欲留錢於河南效 南路官私作見錢流轉若赴庫支取即時給付每貫 南京置局印造一貫至三貫例交鈔許人納錢給鈔 略日南京交鈔所準户部符尚書省批降檢會昨奏 使而陰收銅錢悉運而北過河即用錢不用鈔鈔文 輸工墨錢一十五文候七年納換別給以七十為陌 文獻通考 重

偽造者斬賞錢三百千前後有户部管當令史官交 鈔庫使副書押四圓畫龍鶴有飾 易也元祐間賴濱使遼田奏事亦言北界別無錢 載其所見如此其時中國亦以幣權錢然東南之 右石湖乾道間充泛使入金國道汴京有交鈔所 以交鈔行之河南以中國舊錢行之河北似反簡 不一所以常困錢幣多而賤秤提無策而彼則 地有會子又有川引淮交湖會而鼓鑄之所亦復

嘉定二年臣僚言三界會子數目滋多稱提無策詔封 子界三年為限今展至再則為九年矣何以示信詔造 執奏不行 寧宗慶元元年詔會子界以三千萬為額額外更増許 第十界立定年限 光宗紹熙元年詔第七八界會子各展三年臣僚言會 庫撥金銀度牒官語綾紙乳香湊成二十萬添貼臨 7 ... 幣惟用中國錢云 文气通考 盂

金定匹库全语 酷吏得志 安府官局收換舊會品搭入納以舊會之二換新會之 出估籍徒流鄉井相望而重刑 泉州守臣宋鈞南劍州守臣趙崇亢陳宏皆以稱提 官之俸給以楮軍士支傷以楮州縣支吾無一而 扶持民不以信持以畏耳然雜本以楮鹽本以楮 失職釣降一官崇亢陳宓各展二年磨勘自是歲月 稱提新會最嚴未免告計肆起根連株逮而尚 k 用假稱提而科 政 酉巴 非 百

CAND PRINT LEADING 朝廷左支右吾日不追暇未當籍指以中與也至於 **楮銅錢以罕見為寶前日樁積之本皆絕口而不言** 於道未當籍楮以開國也請康以來外攘夷狄內立 飽之憂州縣小吏無以養廉為歎皆楮之弊也楮弊 也且國家建隆之初賦入尚少東征西伐兵饋不絕 而製楮楮實為病况偽造日滋欲楮之不弊不可得 而錢亦弊昔也以錢重而製楮楮實為便今也錢乏 矣是宜物價翔騰楮價損折民生憔悴戰士常有不 文獻通考 支

金り [ונ 盡其心馬當時內有三宫之奉外有歲幣之費而造 數封椿本錢常停重錢以權輕券故法不弊中問 而有以養其原也 用無土木之妖動静有常無錫子之泛所以楮雖弊 楮惟恐其多收換惟恐其不盡而或無以示民信 紹與末年權以濟用至於孝宗謀慮及此未嘗不曲 至於光寧以來造愈多而弊愈甚其所幸者恭儉節 髙宗紹與三年六月詔四川自祖宗以來先計

禁止 宣府趙開為總的以供羅本以給軍需增引日多莫能 省言引數已多慮害成法詔止之蓋祖宗時蜀交書放 給泛料數多即將本錢侵用故引法日壞况自張後開 七年二月川陝副帥吳玠請置銀會於河池五月中書 雨界每界止一百二十餘萬令三界通行為三千七百 餘貫所有鐵錢僅及七十萬貫又以鹽酒等陰為稱提 ・ノインリニューハニトラ 十餘萬以至於紹興末年積至四十一百四十七萬 文、流通考 丟

是以鉤臣王之望亦請添印錢引以救目前不得不為 金好四月三年 孝宗隆興二年餉臣趙沂依前指揮添印二百萬 朝廷久遠之慮當時詔添印三百萬委之望約度給用 餘萬增而不已必至於不可行乞立定額毋得增添從 淳熙五年閏六月臣僚言蜀中錢引已增至四千五百 即止後之望只添印一百萬 光宗紹熙二年五月韶川引展界行使

會卒不能行 寧宗嘉泰末兩界書放凡五千三百餘萬爲通三界書 久三司三八子丁 吏復為姦於是商賈不行民皆嗟怨一引之直僅售百 出金銀度牒一千三百萬收回半界期以歲終不用然 錢制司乃揭榜除收兑一千三百萬引外三界依舊通 放益多矣 行又檄總所取金銀就成都置場次兑民心稍定自後 四川諸州去總所遠者千數百里期限已逼受給之際 開禧末年餉臣陳咸以歲用不足皆為小 嘉定初每編止直鐵錢四百以下成乃 文獻通考 芝

金ダモんさ言 數應民間輸納者每引百帖八千其金銀品搭率用新 其千二百萬緡以茶馬司羨餘錢及制司空名官告總 嘉定三年春制總司牧兑九十一界二千九百餘萬缗 引直五百鐵錢有奇者關外用銅錢引直百七十錢而 所樁管金銀度牒對鑿餘以九十三界錢引收兒又造 引七分金銀三分其金銀品色官稱不無少虧每舊 十四界錢引五百餘萬緣以收前宣撫程松所增之

淮交 弊 淮南州軍行使不得越過他路 多而本錢不足遂致有弊乞別給會子二十萬背印付 乾道元年戸部侍郎林安宅言督府妄費印給會子太 如故告高宗因論四川交子最善沈該稱提之說謂官 中常有錢百萬緣如交子價減即官用錢自買方得無 百帖納二十引蓋自元年三年兩次舊引而引直遂復 ・ こりこう こここ 紹興末年會子行未有兩准湖廣之分 文次通考 兲

准者皆得對換循環使用然自紹與末年以前銅錢禁 萬付鎮江建康府權貨務使淮人之過江江南人之波 以交子見錢中半如往來不便認給交子會子各二十 便鐵錢已散銅錢已收且令兼行以鐵錢二當銅錢 商贾不行准民以困右司諫陳良祐言莫若如舊從民 用於淮而易以鐵錢會子既用於淮而易以交子於是 於兩准州縣行使其日前舊會聽對换應入納買賣並

金牙口尼生手

二年六月詔别印二百三百五百一貫交子三百萬止

しへこくすらし かふう 左藏庫交納 間交子許作見錢納官應在官交子日下盡數赴行在 江是致民旅未便詔銅錢并會子依舊過江行使其民 條其利害乃謂所降交子數多而銅錢并會子又不過 交子可以盡罷無疑也上曰朕亦知其不可行只為武 後又詔銅錢并會子依舊過江行使又詔江南州 軍在彼良祐又奏交子不便詔兩淮郡守漕臣各 問行使淮交者從便至嘉定十五年增印及三百 文獻通考 郡

造會子從之及印造之權既專則印造之數日增且 京西湖北路行使乞鑄勘會子覆印會子印及下江 印造五百并一貫直便會子發赴軍前當見錢流轉 湖會 釒 湖南漕司根刷舉人落卷及已毀抹茶引故紙應副 處大軍支請以錢銀品搭令措置於大軍庫堆垛見錢 ジシロ 萬其數日增價亦日損稱提無其析也 所給止行本路而京南水陸要衝商賈必由之地 孝宗隆與元年湖廣餉臣王珏言襄陽即復等 鹤

鎮江等處與販今既有行在會子可以通行誰肯就買 輳之地每年客販官鹽動以數百萬緣自來難得回貨 通不便乃詔總所以印造銅板繳申尚書省又撥茶引 定十四年詔造湖廣會子三十萬對換破損會自後因 寢其議乃再印給湖北會子二百萬貫收換舊會至嘉 及行在會子收換焚毀而總領所謂江陵鄂州商旅輻 又湖北會子不許出界多將會子就買茶引回往建康 ノン・ フラーンニー 引縁每年帖降引數多若賣不行軍食必嗣朝廷遂 1 36 11 11 7

仍行之 金好四屋全章 漢時常令民自鑄錢及武帝則專令上林三官鑄 按錢幣之權當出於上則造錢幣之司當歸於 銷輸其銅三官然錢以銅鐵鉛錫而成而銅鐵 之而天下非三官錢不得行郡國前所鑄錢皆廢 錫搬運重難是以歷代多即坑冶附近之所置監 冶铸以供用中與以來始轉而為猪幣夫錢重而 鋳錢亦以錢之直日輕其用日廣不容不多置監

こうこうこ 直少則多置監以鑄之可也楮輕而直多則就 會各自印造而其末也收換不行稱提無策何哉 都印造足矣今既有行在會子又有川引淮引湖 須分路 蓋置會子之初意本非即以會為錢盖以茶鹽鈔 承 引之屬視之而暫以權錢耳然鈔引則所直者 售 售一鈔請鹽二百斤而會子則止於一貫下至平時解鹽場四貫八而會子則止於一貫下至 百二百鈔引只令商人憑以取茶鹽香貨故必 鹽如 み只可行, 准於 之陝 **類西** 末 會子則公私

買賣支給無往而不用且自一貫造至二百則 初意欲暫用而 用號令反覆民聽疑惑乎蓋兩淮荆湖所造朝廷 則何必川自川淮自淮湖自湖而使後來或廢或 輕用重千里之遠數萬之緣一夫之力剋日可到 明以之代見錢矣又况以尺楮而代數斤之銅費 所以後來收換生受只得再造遂愈多而愈賤亦 是立法之初講之不詳故也 即廢而不知流落民間便同見銀 卷九

金好四库全書

ってこりること 是量資幣權輕重作幣以救民以管子與周禮單 移民通栗者為救荒而設本非先王財債之本處 穆公之論觀夏商之時所以作錢幣權一時之宜 **侦之所由生者考之於古如管子論禹湯之幣禹** 民之熊者之周官司市凡國有凶荒則市無征而 作布又考單穆公諫景王之説古者天災流行於 以歷山之金湯以莊山之金皆緣凶年故作幣救 東菜吕氏曰泉布之設乃是阜通財債之物權財 大氣通考 7

金斤四屋人書 盛也以此知古人論財價但論九年之積初未當 栗為本所謂泉布不過權輕重取之於民所以九 何補盈虚之數所以三代以前論財賦者皆以穀 栗泉布之權方有所施若是無本雖積鏹至多亦 本錢布流通不過權一時之宜而已先有所謂穀 論所藏者數萬千絡何故所謂農桑衣食財債之 有九年之食以為財債之盛三登曰太平王道之 論國用三年耕必有一年之食以三十年通制則

くてしヨコーへいかう 得漢初有天下尚自有古意王公至佐吏以班 帛其間用錢甚少所以錢之權輕惟凶年饑荒所 以作幣先儒謂金銅無凶年權時作此以通有 用少如制禄既以田不以錢制賦又自以穀栗布 禄君卿大夫不過以采地為多寡亦未當以錢 以均多少而已所以三代之前論布泉者甚少 **貢九賦用錢幣為賦甚少所謂俸禄亦是頒田** 為禄所以三代之人多地著不為末作益緣錢之 大計通考 掌

金厂 當時地利既盡浮游末作之徒少後世此制壞以 過口算每人所納百餘年尚未以錢布為重至武 帝有事四夷是時國用不足立告緡之法以括責 故後世貢禹之徒欲全廢此惟以穀帛為本此又 匹夫之家藏鏦千萬與公上爭衡亦是古意浸失 其以穀栗為本以泉布為權常不使權勝本所 天下自此古意漸失錢幣方重大抵三代以前 之萬下所謂萬石千石百石亦是以穀栗制禄

殺帛天 岩徒見一 其 錢貢禹之論略已施行遂有濕穀薄綃之弊反 謂經權本末常相為用權不可勝經末不可勝 却是見害懲艾嬌枉過直之論大抵天下之 切盡用及其廢之太過 天下有用之物為無用其意本要重穀帛反以 不知其二後世如魏文帝當時天下盡不用 下惟得中適平論最難方其重之太過 時游手末作之弊欲盡廢之 七大り号 切畫不用二者皆不得 如此則得

金定匹库全書 武德時初鑄開元錢最得其平自唐至五代惟開 屢更屢易惟五銖之法終不可易自唐至五代 易雖不可知要知五銖之錢最為得中自漢至隋 銖之錢然而皆不得中惟五銖開元銖兩之多寡 有所謂直百當千之錢論太輕則有所謂榆荚 數千載前有五銖後有開元最可用何故論太重 元之法終不可易論者益無不以此為當以此 中然三代以前更不得而考自漢至隋其泉布 知

輕重本末未當取利論財計不精者但以鑄錢 當時務要得多不思大體國家之所以設錢以權 **欲多鑄錢自此變開元錢法錢雖多其精密俱不** 錢皆可以久行自太宗以張齊賢為江南轉運 鼓鑄之精密相望不可易本朝初用開元為法其 及前代本朝張齊賢未變之前所謂太平錢尚自 可見齊賢既變法之後錢雖多然甚薄惡不可 多為利殊不知權不歸公上鑄錢雖多利之小者 一次こう 72 用

銀定四庫全書 或是以錢為國賦條 者自緣錢薄惡後論者紛紛或是立法以禁惡 務之皆可以為錢不出於公上利孔四散 分此其利之大者徒徇 銅爱工岩不惜銅 不 利失大利南齊孔顕之言乃是不可易之論 敢起私鑄不敢起則無散歸公上鼓鑄權 歸公上利之大者南齊孔韻論鑄錢不 則鋳錢無利若不得利則私 目不 小利錢便薄惡 皆是不揣其本而 如此發 乃是 可以 木 或 民

とこりる こう 琦鑄乾元錢此是錢之權也如漢武帝以鹿皮 幣王莽以蹈具為幣此是錢之蠹也或見財債 國家之大利泉布之法總而論之如周如泰如漢 其末若是上之人不惜銅爱工使姦民無利乃是 多欲得廢錢或見財債之少欲得放鑄皆 五銖如唐開元其規或可以為式此是錢之正若 杜之論不可通行者 也若是權 時之所鑄如劉備鑄大錢以足軍市之財第 文獻通考 , 時之宜如冠城 野 一時

金牙匹尼全章 當時之券會生於鐵錢不便緣輕重之推移不可 布經久可行之制交子行之於蜀則可於他利害 非 以可行鐵錢不便交子即便今則銅錢稍輕行 以挟持交子之法出於民之所自為託之於官所 大段不同何故弱用鐵錢具大者以二十五斤 之在蜀創置交子此一時舉偏救弊之政亦非 不可挟持欲行楮幣銅錢却便楮券不便告者 其中者以十三斤為一千行旅赍持不便故 錢

若是地力既盡穀帛有餘山澤之藏成得其利錢 寒不可衣至於百工之事皆資以為生不可缺者 器或邊都滲漏或藏於富室今則所論利害甚悉 計多寡此最的當推本論之錢之為物饑不可食 財利之用在於貿易孔顗之論宜不惜銅爱工不 之法自可以相依而行要非經久之制今日之所 之便今日之不便議者欲以楮幣公行參之於蜀 以為楮券又欲為鐵錢其原在於錢少或銷為銅 文献通考 B+\*

次定四車全書 人

13, 錢後世因錢權之以物錢幣之所起起於商賈通 行之然三代之世用錢至少自秦漢以後浸多至 行四方交至遠近之制物不可以自行故以金錢 水心葉氏曰錢之利害有數說古者因物權之以 顗之論要當尋古義識經權然後可也 雖少不過錢重錢雖重彼此相權國家之利亦孔 有常業一家之用自殺米布帛蔬菜魚肉皆 今日非錢不行三代以前所以錢極少者當時

くこうら へに 世不然百物皆由錢起故因錢制物布帛則有 所用之數以歲計之亦是臨時立法制其多少 金錢而民安本著業金錢亦為無用故用之至 食非穀栗則布帛與夫民之所自致者皆無待 已為多矣益三代時尚不及此土地所宜人力所 如李悝平羅法計民一歲用錢只一千以上是時 貿遷與朝廷所以權天下之物然後頼錢幣之用 其力以自致計其待錢而具者無幾止是商買之 **支以直考** 党人 於

金牙四人名書 禁戒不要使天下窮力逐須故書曰惟土物愛 自治 貿易皆主於錢故後世用錢百倍於前然而三代 行不可關之物亦不至費心力以營之上又明 不得不少後世不得不多何者三代各斷其國 之具皆從錢起鉄兩多少貴賤輕重皆由錢而 尺之數裁票有斛斗之數其他凡世間飲食資生 上自朝廷之運用下自民間輸貢州縣委藏商賈 國之物自足以供一國之用非是天下 起儿 制 诵

致又多於前世金錢安得不多古者以玉為服 有州縣異名而無秦越不相知之患臂指如 隣 無 下之民安得不交通於四方則商賈往来南北 心戚老子曰至治之極民甘其食美其服樂其俗 **龜為寶以金銀為幣錢只處其一朝廷大用** 於用錢如此安得不少後世天下既為 賜予則是金盡用黄金既以玉為服飾玉是 國相望雞犬之聲相聞民至老死不相往来 丈大直考 罕儿 國

銀定四庫全書 變易至唐以開元錢為準始得輕重之中古錢極 由多用錢既多制度不 故幣始專用錢所以後世錢多此數者皆錢之所 為器用服玩之具玉自此亦益少服飾却用金銀 教盛行費為土木之節故金銀不復為幣反皆以 幣後不復行至東漢以後黄金最少又緣佛老之 為幣宣元以後金幣始盡王莽欲復古制分三等 重之物以之為飾過於金珠遠矣漢世猶用金銀 卷儿 輕重大小厚薄皆随時

a de la constante de la consta 鼓鑄以開元錢為準如太平天禧錢又過於開元 至今猶多有之然唐世無錢尤甚宋朝則無時 為重幣則五銖半兩之類宜不可用然大重則 不 初 輕今三代錢已無如漢五錄半兩其在者尤輕簿 可行所以開元為輕重之中唐鑄此錢漫行天 宗以前如太平錢最好自熙寧以後不甚佳 可用益古者以錢為下 計工費後世惟欲其富往往減 丈大直考 幣為其輕易後世以錢 画

金片四唐全書 鑄要之 苦於用兵朝廷急於與利 論與實誼相似當漢文帝欲以恭儉致昇平謂 矣然而唐世所以惡錢多正以朝廷不禁民之 縮 下吴王用之卒亂東南唐以開元天 費所以錢稍惡若乾道紹與錢又不及熙豐遠 無用錢處故不復收具權柄使吳節錢得布 酒鹽鐵等末利既與故自肅代以来漸 利權當歸於上豈可與民共之如劉秩之 **卷**九 向務多錢以濟急 實以後天 自

通行天下為利錢雖積之甚多與他物何異人 貴賤其間送往选来不可逆知然錢值至神之物 富人既務藏錢而朝廷亦盡征天下錢入於王府 者惟錢耳夫古今之變世數之易物之輕重償之 已入者不使之出乃立楮於外以待之不知錢 無留藏積蓄之道惟通融流轉方見其功用今世 度亦非錢不行天下之物隐沒不見而通行於 世 利征天下反求錢於民間上下相征則雖私家用

久己のういか

文獻通考

在少区 物少其變通之道非聖人不能也 然後輕重可權交易可通今世錢至賤錢賤由乎 夫富强之道在於物多物多則賤賤則錢貴錢貴 必須更有作新之道但未知其法當如何變得其 故不惟物不可得而見而錢亦將不可得而見然 究具本原但以錢為少只當用楮楮行而錢益少 決不可易者廢交子然後可使所藏之錢復出若 自古今之弊相續至於今日事極則變物變則反 かと言 赵九

1,						İ
KAID Ind Alder						
2						
5						
5						
2						
<u>&gt;</u>						
<u>+</u>	1					
1						
		1				
9		1				
```	1					
					1	
Ý,						
縣						
文獻通考					1	
考			ĺ			
	1			-		
	1			1		
	1			]		
		1		j	į.	j
i i					-	
!					ı	
五					}	
至		j		J	ļ	}
						ļ
				- 1	į	İ
		i		1		·
			İ	1		
		1		[	[	1
	l				i	

文獻通考卷九					すりとかと言
					卷九
		F AMERICA 1981-1993 199-1		 	

たかりられた 無逮湯受命其能存者三千餘國方於塗山十損其七 夏禹平水土為州人口千三百五上 欽定四庫全書 戸口考 三塗山之 歴代戸ロ丁 鄱 會諸侯執玉帛者萬國及其衰也諸侯相 ,中賦役 馬 文歌通考 端 踮 貴 著

金罗巴匠人工 th. 周武王定天下列五等之封凡千七百七十三國 司徒之職掌建邦之教法以稽國中及四郊 人口千三百七十萬四千九百二十三此周之 戦也 乃會萬民之 六祭祀飲食丧紀之禁令并康成 -三百國人衆之損亦如之周公相成王致 )數以辨其貴賤老幻廢疾凡 /卒伍而用之五人 謂儿此者家字云九比謂九夫 に征役之 都鄙 理 極盛

ていりい ここ 者家三人中地家六人可任也者二家五人下地家五 乃均土地以稽人民而周知其數上地家七人可任也 以比追胥以令贡賦 两 起徒役母過家一 可任也者家二人 冠賊 也竭作盡行的也田謂 獵也追 四兩為卒五卒為旅五旅為師以起軍旅以作田役 大夫以歲時登其夫家之衆寡辨其可任者國中自 一人以其餘為羨唯田與追胥竭 者以其餘男女强弱相半其大數一可任謂丁强任力後之事者出老 **建设通考** 

历其 金少四屋全書 時 者國中貴者賢者能者服公事者老者疾者皆舎以嚴 '尺以及六十野自六尺以及六十有五皆征之其舍 脱所 免之以其然居復多役 其書為六尺 鄙以四起數五六家始出一人故甸出甲士三 用貢法十夫有溝鄉遂所以不為井者何故曰都 步卒七十二人鄉遂以五起數家出一人為兵以 ,語錄曰問周制都鄙用助法八家同井 復 **仮少役多** 少野早城 一十為七尺國上給公上事也國中以 卷十: 中晚賦而早免之以城郭内年十五以下

壓二十而一若輕於近郊也而草木之毓夫家之 其溝洫之制各有司存野役之起不及其羨故六 則稍優於畿外非姑息也遠郊之地王之外地也 虚月追胥之比無時無之故七尺而征六十而舍 尺而征六十五而舎則稍重於内地非茶毒也園 山齊易氏曰近郊之民王之内地共華之事職無 之最輕者 守衛王畿役次处簡故周禮惟挽匶則用之此役

てのファインラー

文獻通考

夫徭 閭 金岁口匠人三百 餘役 大横 師凡無職者出夫布 師凡民無職事者出夫家之征私 而五係近郊遠郊勞供所係 賈之資利不可不抑不抑則公至於忘本是二 聚不可以擾擾則不能以寧居是故二十而稅 漆林二十而五若重於遠郊也而器用之末作 民無職者一而已載師出夫家之征閱師止言出 以我了了! 明作或三人或二人或二家五人 罪张氏曰夫家之征疑無過家一 是無脂事者出夫家之征扶利者出 端渠 出者 謂人士 之者 徒畝 家謂車之 之輩稅 給家 商

惰不耕及商賈末作之人皆於常法之外別立法 均 罰之法也問師承上文九職任民之役乃常法也 征夫布其常也并出夫家所以抑之也夫家解當 征者所以抑之也閒民或出夫布或并出夫家之 以抑之如関市或談而不征或征之談者常法也 横渠之說鄭注謂令出一夫百畝之稅則無田 布何也載師承上文宅不毛田不耕之後乃示 一無職之民而待之有二法何也益古人於游

これりらい

丈水通考

主民之吏 均人掌均人民牛馬車華之力政政時為民多少無防均人掌均人民牛馬車 登於天府內史司會家字貳之以賛王治三官以貳 金厂口屋全書 司寇司寇及孟冬祀司民之日獻其數於王王拜受之 異其男女歲登下其死生及三年大比以萬民之數記 者與其可施舍者掌其政令禁戒司民掌登萬民之數 自生齒以上皆書於版辨其國中與其都鄙及其郊野 遂大夫以嚴時稽其夫家之衆寡六畜田野辨其可任 而所征與受田者等不幾太酷矣

宣王既丧南國之師敢於姜乃料民於太原 とろしヨモニとなう 王制用民之力歲不過三日 日馬也为山札則無力政 旬用三日馬中年則公旬用二日馬無年則公旬用 官 車 少司民協孤終軍民教者無义 司商協民姓掌賜族 仲山甫諫曰民不可料也夫古者不料民而知其多 單糊 司徒協放於師 城 郭 委 逢 苍溝 積之 屬 渠牛 司寇協姦刑官知 文片通考 凡均力政以歲上下豐年則公 死 牧協職城姓養 £

皆習民數者也又何料馬不謂其少而大料之是示 色之数工協革自及合其数場協入機之數原協出合其物工協革百工之官更場協入場園季原協出 政示少諸侯避之治民惡事無以賦令且無故而料 於農院轉養亦於籍獨於既無行於軍時異冬時 於是乎又審之以事事謂國籍四鬼王治農於籍魚 出用之數 是則少多死生出入往來者皆可知也原人掌九報 是則少多死生出入往來者皆可知也 少而惡事也以寒少又厭惡政事不能修之意也臨 民天之所惡也害於政而妨於後嗣王卒料之及幽

阿房職山七十萬三十年間百姓死沒相踵於路陳 戰國之時考蘇張之說計春及山東六國戎卒尚餘五 百餘萬推人口數尚當千餘萬泰無諸侯所殺三分居 九十四萬一千九百二十三人 外非天子之御自太子公侯以下至於庶人凡千一百 平王東遷三十餘年莊王十三年齊桓公二年五千里 循以餘力北築長城四十餘萬南戍五嶺五十餘萬

王乃廢減

くらり はんこう

文影通考

欧 役三十倍於古更平部給中都官者也漢與循而未 秦用商鞅之法月為更卒已復為正一歲屯成一歲力 過三十萬方之六國十分無三 漢高帝定天下人之死傷亦數百萬是以平城之卒不 又肆其酷烈新安之坑二十餘萬彭城之戰睢水不流 金ケビル人言言 如此 **右杜氏通典所考東遷以後漢初戶口數目大約** 

庫并車馬治 欠とりきんかう 而諸侯王尤多民疾之令諸侯王通侯常以十月朝 漢高祖四年八月初為算賦五十 ,年部曰欲省賦甚今獻未有程吏或多賦以為獻 六而除是且稅之且役之也 身則役之未有稅其身者也漢法民年十五而算 出口賦至五十六而除二十而傳給徭役亦五 按戶口之賦始於此古之治民者有田則稅之有 文獻通考 出人 賦年

及都各以口 及都各以口數金以口數 邊有一体者出當瓜也者更 一調歲十居錢自相天欲底 歲乃 0一也三成子下得辛如 耳戍役月居百三亦人催無浮 三也更入日在皆更常日 十食縣官不成直錢人更 率人歲六十三錢以 倍貨中官可邊戍者皆有 於志五以往之邊次當三 古日月給便調三直迭品 此月乃茂還不日者為有 漢為更者因可亦出之卒 初更也是使人名錢一更 因卒後為住人為惟月有 秦已徒過一自更之一段 法復財更歲行律月更更 給 而為|律也|一三|所二|是有| 獻 行正卒律更日謂千為過 費城核 後一段說諸戍縣是卒更 遂 尚更辛不又成為更古 減四 改七一路行行也路也者 其 年 半算 易戌月更者者雖更貧正

ここうい 景帝二年令天下男子年二十始傳籍給公家任 三歲一事賦四十也二十時天下民多故 奴婢倍算今使五算罪商之也人出一算算百二十錢唯賈人與 文帝偃武修文丁男三年而一事民賦四十事無歲 吴以銅鹽故百姓無賦卒践更朝子平賈 日律年二十三傳之時官萬不滿六尺二寸以下 徐氏曰按髙紀發閣中老弱未傅者悉詣軍如淳 文計馬野 役名 ð

恵帝六年今民女子年十五以上至三十不嫁五算

金岁四月全書 武帝建元元年詔民年八十復二算年也之 昭帝元鳳四年記母收四年五年口賦幾至十四出 元封元年行所巡縣無出今年算 景帝更為異制令男子年二十始傅則在官三十 庶民就田里則知漢初民在官三十有三年也今 歲為材官騎士 引射 即戰陳年五十六乃免為 為疲癃漢儀注民年二十三為正一歲為衛士一 有六年矣

其賦 甘露元年减民算三十二十也 宣帝地節三年流民還歸者且勿算事 五鳳三年減天下口錢 元平元年詔減口賦錢有司奏請減什三上許之 入者勿收見此汪 こうらくこう 按算赋十五歲以上方出此口賦則十五歲以前 時所賦也 鎚十 オ甫 ソソ 文狀色考 食 馬三年以前通更賦

金坛匹匠全書 元帝時貢禹請民年二十乃算 民民産子三歲則出口錢故民重困至於生子朝殺 禹以為古民亡賦算口錢起武帝征伐四夷重賦於 宜令民七歲去齒乃出口錢年二十乃算天子下其 減免且令流民還歸者勿算故其時膠東相王成 徙者算數既除州郡無逋負之責可以容偽故也 遂偽增上流民自占八萬餘口以家顯賞則以流 按漢始有口賦然頗輕於後代至昭宣時又時有 卷十点

賦他無所與語同財也 成帝建始元年減天下賦錢算四十 當佩將軍都尉印將兵及佩二千石官印者家唯給軍 惠帝即位令吏六百石以上父母妻子與同居及故吏 嚴萬息二千戶百萬之家即二十萬而更縣租賦出其 貨殖傳秦漢之制列侯封君食租稅歲率戶二百千 之君則二十萬朝覲聘享出其中庶民農工商賈率 議令民産子七歳乃出口錢自此始 文狀直台

金灰匹库全書 漢自高祖記於孝平民戶千二百二十三萬三千六 中衣食好美矣 所賦然則地土之不以封者縣官别賦之數抑無 按漢法有口賦有戶賦口賦則算賦是也戶賦見 此賦也庶民農工商費以下似是百戶賦二十 於史者惟此二條貨殖傳所言則是封君食邑戶 上懸絕殊不可晓又謂之息二千豈官每戶質以 文而萬戶取其息二千乎當考 卷:

為殷威故志舉之以為數王茶篡位以周官稅民凡田漢之戶口至元始二年最王茶篡位以周官稅民凡田 次足四軍三馬 明帝即位九月發天水三千 者完作人勇及縣官衣食之 毛出三夫之布民浮游無事出夫布一及其不能出 不耕者為不殖出三夫之稅城郭中宅不樹藝者為 永平五年復元氏田租更賦六歲 口五千九百五十九萬四千九百七十 年地震壓死者其口賦逋我勿收 文獻通考 討叛羌復是嚴更賦

和帝永元六年流民就賤還歸者復一歲田租更賦 賜胎養穀人三斛復其夫勿算一歲著以為令 順帝永建五年都國貧人被災傷者勿收責今年過更 安帝永初四年除三年過更口算 章帝元和元年人無田徙他界者除算三年 二年記曰令人之有産子者復勿算三歲令諸懷好者 永平九年徙朔方者復口算 元初元年除三輔三歲更賦口算

四百一十二萬五千二十 てこつ 巨ノニラー 二千一百萬七千八百二十 明帝永平十八年户五百八十六萬百七十三口三千 光武中元二年戸四百二十七萬九千六百三十四口 桓帝永壽元年復泰山琅琊更算 口赋 陽嘉元年勿收更租口賦 永和四年除太原民更賦金城隴西地震災甚者勿收 文大百二

四千八百六十九萬七百八十九 安帝延光四年户九百六十四萬七千八百三十八口 五千三百二十五萬六千二百二十九 和帝永與元年戶九百二十三萬七千一百一十二口 四千三百三十五萬六千三百六十七 順帝建康元年戶九百九十四萬六千九百一十九口 章帝章和二年户七百四十五萬六千七百八十四口 四千九百七十三萬五百五十 卷 CALD 101 1.11.5 四千七百五十六萬六千七百七十二 質帝本初元年戶九百三十四萬八千二百二十七口 千九百五十二萬四千一百八十三 冲帝永嘉元年户九百九十三萬七千六百八十口四 孝平時四分之一兵革之禍可畏哉嗣是累朝休 興之後三十餘年所扮養至末年戶數僅及西都 田大數列於後以見滋減之差聖城門光武中 右郡國志注伏無忌所記每帝崩軟記戶口及墾 文水通考 ナニ

桓帝永壽二年戶千六百七萬九百六口五千六萬六 千八百五十六 萬有奇殊不可晚豈紀録之誤邪 養生息每每增美固其理也但冲質二帝享國各 户数损於建康一萬本初户數損於永嘉五十八 止一年二年之間史所載無大兵革饑饉而永嘉 如通典則以為戶千六十七萬七千九百六十口 右東都戸口極盛之數此係後漢書郡國志所載

金岁口屋全書

つこう ランシ 定割剝庶民三十餘年及魏武剋平天下文帝受禪 遷京師蕭條豪傑並争郭汜李催之徒残害又甚是以 興平建安之際海内荒廢天子奔流白骨盈野故陕津 靈帝遭黃巾之亂獻帝罹董卓之難大焚宮廟切御西 之難以箕撮指安邑之東后裳不全遂有戎冠雄雌未 萬有奇未知熟是 書五百三十八萬有竒口多於漢書六百四十 五千六百四十八萬六千八百五十六户少於漢 文大通考 上四一

金万匹尼香書 漢昭烈童武元年有戶二十萬男女九十萬蜀亡時戶 百四十三萬二千八百八十一 戸五十三萬吏三萬二千兵二十三萬男女口二百三 吴赤烏三年戶五十二萬男女口二百三十萬吴亡時 二十八萬口九十四萬帶甲將士十萬二千吏四萬 衆之損萬有一存 立戰爭不息魏氏戶六十六萬三千四百二十三口四 魏武據中原劉備割巴蜀孫權盡有江東之地三國鼎

萬後宮五千餘人 萬汝南戸四十萬方之於今三帝鼎足不踰二 民數不能多蜀矣昔漢水和五年南陽戶五十 朱照日所上吴之所領兵戶凡十三萬二千推其 計民戶九十四萬三千四百二十三口五百三十 カロ 七萬二千八百九十一又按正始五年楊威将軍 劉昭補注後漢郡國志注曰魏景元四年與蜀通 有食禄復除之民凶年熊疾之難且可供役 那

ってスーフラーへこう

文献通考

十五

金ラでをとう言 贼門 男女年十六已上至六十為正丁十五以下至 綿三斤女及次丁男為戸者半輸其諸邊郡或三分之 晋武帝平吴之後制戸調之式丁男之戸歲輸約三及 魏武帝初平袁氏定鄴都制城戶約二及綿二斤城 速者三分之一夷人 輪資布戶一匹速者或一丈 三六十一以上至六十五為次丁十二以下六十六 足一郡以一郡之用供三帝之用斯亦勤矣 田

とこうしてい 六十三比晋之極盛也 晋武帝太康元年平吴之後九州攸同大抵編戶二百 四十五萬九千八百四口千六百一十六萬三千八百 為名馬賓之名舊矣其賦錢四十則起於李雄也 蜀李雄薄賦其人口出錢四十文巴人謂賦為實因 并前趙國合二十四戶二十九萬為趙國前秦苻堅 魏王在鄴故事魏王即曹公以河内魏絳等十一郡 後趙石勒據有河北初文武官上疏請依劉備在蜀 文歇通考 十六

金芡四屋全書 孝武帝太元二年除度定田收租之制公王以下口稅 斜唯蠲在身之役 減前燕慕容暐入都閱其名籍戶二百四十五萬八 至於諸州二十里一亭四十里一旅行者取給於途 蜀之後偽代之盛也時關龍清宴百姓豐樂自長安 十五從關東豪傑及諸雜夷十萬口於關中平庶定 工買資販於道 千九百六十九口九千九百九十八萬七千九百三

てこり ほんこう 以南盡為宋有帝素節儉文帝一勵精勤民元嘉之治化 宋武帝北取南燕平廣固今北西減姚秦平閣洛長河 於文景國富兵强更務遠畧師徒覆敗江左虛耗今按 年又增稅米五石 書請加隱竅從之得於戶五萬八千 史孝武大明八年户九十萬六千八百七十口四百 此迭相於冒或百室合戶或干丁共籍以避課役尚 南燕主慕容備您優遷徙之民使之長復不役民緣 文獻通考

ナビー

金牙口匠人 若減其米課雖有交損考之將来理有深益詔善之 自逃匿戶口之減實此之由宜更量課限使得存立今 隨丁多少悉皆輸米且十三兒未堪田作或是單過便 宋文帝元嘉中始與太守孫豁上表曰武吏年滿十六 便課米六十斛五十以下至十三皆課三十斛一 按漢以前田賦自為田賦戶口之賦自為戶口之 八萬五千五百 魏晋以來似始混而賦之所以晋孝武時除度 一戸内

愚守宰必有勤劇况值奇政豈可稱言至今逃竄求免 役當以十三以上能自營私及公故以充役考之見事 孝武大明中王敬宏上言舊制人年十二半役十六全 宋孝武帝大明五年制天下人戶歲輸布四尺 ていしついる といろ 猶或未盡體有强弱不皆稱耳循吏恤隱可無甚患庸 時乃至課米六十斛與晋制懸絕殊不可晚豈所 謂六十斛者非一歲所賦邪當考 定田收租之制只口稅三斛增至五石而宋元嘉 丈 沃通考

金少口匠人三十 役名之宜應存消息十五至十六宜為半丁十七為全 米既畢就役如故又先是諸郡役人多依人士為附隸 胎孕不育乃避罪憲實亦由兹今皇化維新四方無事 謂之屬名又東境役苦百姓多注籍許 齊自永元以後魏每來伐繼以內難楊徐二州人 齊氏六主年代短促其戸口未詳 市役之 取兩以此為率遠郡悉令上米準行 卷十 一人五十

てアフラ ここう 陳武帝荆州之西既非我有淮肥之内力不能加宣帝 縦捨 勤恤民隱時稱令主閱其本史戶六十萬而末年窮兵 梁武之初亦稱為治後侯景逆亂竟以幽斃元帝纔及 責病者租布隨其年歲多少街命之人皆務貨路隨意 並是復蔭之家凡注病者或以積年皆攝充將役又追 所檢占諸屬名并取病身凡屬名多不合役往往所在 三年便至覆減墳籍亦同灰燼户口不能詳究 丈沃通考

矣 黷武遠事經界吴明徹全軍隻輪不返銃卒殲馬至後 金岁四座台書 帝正光以前時惟全盛戶口之數此夫晋太康倍而餘 後魏起自陰山盡有中夏孝文遷都河洛定禮崇儒明 主亡時隋家所收戶五十萬口二百萬 六百一十六萬三千八百六十三云倍而餘是其 按太康平吴後户二百四十五萬九千八百口千 盛時則戶有至五百餘萬矣

とこう したう 道武帝時詔採諸漏戸合輸編綿自後諸逃戸占為紬 千三百六十八 璽羅穀者甚衆於是雜營戶師編於天下不隸守室賦 戸流離官司文簿散棄今按舊史戶三百三十七萬五 爾朱之亂政移臣下分為東西權臣擅命戰争不息人 魏令每調一夫一婦帛一及栗二石賊門田 役不同戶口錯亂景穆帝即位一切罷之以屬郡縣 按人戶之以輸財別為戶計不隷郡縣其事始此 文次通考 〒

十萬六千八百八十 小文宣受禪性多暴虐及武成後主俱是僻王至崇化 北齊承魏末丧亂與周人抗衛雖開拓淮南而郡縣福 餘萬於是僑居者各勒還本籍是後租調之入有加馬 齊神武秉政乃命孫騰高崇之分責無籍之戶得六十 二年為周所減有戶三百三萬二千五百二十八口二 金少匹屋人 其時以征伐不息唯河北三數大郡多千戸以下復 通新附之郡小者戸總二十口百而已

周制司役掌力役之政令凡人自十八至五十九皆任 大象中有戶三百五十九萬口九百萬九千六百四 後周閔明二主俱以我崩武帝誅權臣攬庶政恭儉節 為丁十六以上十七以下為中丁六十六以上為老 北齊武成清河三年乃令男子十 用考數名實五六年內平蕩燕齊嗣子昏虐亡不旋踵 五以下為小 八以上六十五以

たとり事人から

文獻通考

Ī

於役豐年不過三旬中年則二旬下年則一旬起徒役

在上 以推校乃為輸籍之 七歲以下為中十八歲以上為丁以從課役六十為老 隋文帝領新令男女三歲以下為黃十歲以下為小 年恒徵納除注常多長吏肆情文帳出沒既無定簿難 益多男子以二十二 乃免開皇三年乃令人以二十一成丁煬帝即位戶口 役廢疾非人不養者一人不從役若凶礼亦無力征 無過家 ï 一人有年八十者一子不從役百年者家不從 1111 /様請徧下諸州每年正月五日縣令 一為丁髙頻奏人間課稅雖有定分

てこりらいよう 巡人各隨近五黨三黨共為一團依樣定戶上下帝從 之自是姦無所容 客悉自歸於編戸隋代之盛由此 强家收太半之賦為編此奉公上家輕減之征浮 建輸籍之法於是定其名軽其數使人知為浮客被 多依豪室禁網隱廢姦偽尤滋高類觀流冗之病 萬蓋承周齊分據暴君慢更賦重役勤人不堪命 通典論曰隋受周禪至大業二年有戶八百九十 文獻通考 主

金吳匹匠人門 盛莫如隋其贡賦輸籍之法必有可觀者然學者 東放蘇氏曰古者以民之多寡為國之貧富故管 以其得天下不以道又不過再世而亡是以鄙之 拜而受之自漢以來丁口之蕃息與倉廪府庫之 併諸侯當周之盛時其民物之數登於王府者益 而無傳馬孔子曰不以人廢言而况可以廢一代 仲以陰謀傾魯梁之民而商鞅亦招三晋之人以 之良法乎文帝之初有戶三百六十餘萬平陳所

十六比隋之極盛也九千六百四至開皇九年平陳得十六比隋之極盛也後周静帝時有戶三百九十九萬 文帝恭儉為治不加賦於人煬帝大業二年戶八百九 ,萬七千五百三十六口四千六百一萬九千九百五 ED与ALLAN 文献通考四百八十萬七千九百二十二五十萬及是統二十六七年直 而洛口諸倉足以致百萬之衆豈可少哉 容資儲之在天下者至不可勝數及其敗亡塗地 得又五十萬至大業之始不及二十年而增至八 百九十餘萬者何也方是時布帛之積至於無所 主

導洛河及淮北通涿郡築長城東西千餘里皆徵百萬 煬帝承其全盛遂恣荒淫建洛邑每月役丁二百萬 進丁二十四萬三千新附口六十四萬一千五百帝臨 餘人丁男不充以婦女充役而死者大半天下之人 注老少尚多奏令貌閱若一人不實則官司解職又許 大業五年民部侍郎裴瀘以民間版籍脫漏戶口及詐 分九為盗賊以至於亡 民糾得一丁者令被糾之家代輸賦役是時諸郡計帳

全タゼル人で

朝覧狀曰前代無賢才致此罔冒今戶口皆實全由裴 為老母賊門法見 唐制民始生為黄四歲為小十六為中二十一為丁六十 **越由是斯見親委** てたしつ いっこう 則免課從役秋附則課役俱免其首訴隱避以免課 宜為九等 凡丁附籍帳者春附則課役並征夏附 定天下戶量其資產定為三等後詔三等未定升降 祖制每歲一造帳三年一造籍州縣留五九尚書 文教通考 茜

金气口匠 全書 四十六口萬七千三十一馬十三百匹永繳元年戶部 奏去年進户一十五萬通天下戶三百八十萬 餘萬口侯君集破髙昌得三郡五縣二十二城戶八 唐貞觀戶不滿三百萬三年戶部奏中國人因塞外來 及突厥前後降附開四夷為州縣獲男子一百二 省留三化 致堂胡氏曰方隋之盛也郡縣民戶尚版圖者 百九十餘萬自李密王竇為倡而山東盡為盗區

次定日車人 黨以郡縣及者尚不與馬至唐武德六十年間益 關雎之德廢長立少而其禍至此也 髙宗永嶽三年天下樂業阜生將一世矣有司奏 後二年太宗即位貞觀仁義之治興休息生養至 是後四方並與推衆十數萬而加多者垂五十餘 干戈雲擾狼吞虎噬者十三四年而後内盜悉平 民經離亂之後十存不能一二皆起於獨孤后無 戸口纔及三百八十萬然則略會之隋氏極盛之 文献通考 壴

ジェイト 總章元年司空李勣破髙麗國虜其王下城百七十 證聖元年鳳閣舎人李嶠上表曰臣聞恭庶之數戶 多)糧的免歲時偷避徭役此等浮衣寓食積歲淹年 其簿籍而已今天下流散非一或違持軍鎮或因緣 口之衆而修貫不失按此可知者在於各有管統明 課調虛蠲闕於恒賦亦自誘動愚俗堪為禍患不可 王役不供簿籍不挂或出入關防或往來山澤非直 户六十九萬七千二百配江淮以南山南京西 13711 てるこうらしたい 蹤卒於無益臣以為宜令御史督察檢挍設禁令以 然後逃亡可還浮寓可絕所謂禁令者使問間為保 防之垂思徳以撫之施權衙以御之為制限以一之 逃不悛亦由於此今縱更搜檢委之州縣則還襲舊 科前既依違後仍積習檢獲者無賞停止者獲原浮 遵承縱欲斜其您違加之刑罰則百州千郡庸可盡 自容所司雖具設科條領其法禁而相看為例莫適 不深慮也或逃亡之戶或有檢察即轉入他境還行 文 尖 通考 夫

金定区屋人三 業心樂所住情不願還聽於所在隸名即編為戶夫 糧使達本貫所謂權衙者逃人有絕家去鄉失離本 逃亡之徒久離桑梓糧儲空闕田野荒廢即當脈其 斜一人隨事加賞明為科目使知勸沮所謂思德者 遞相覺察前乖避皆許自新仍有不出軟聽相告每 不問寬而勿征其應還家而貧乏不能致者乃給程 乏少助其修營雖有缺賦懸徭有軍離鎮亦皆含而 願小利者失大計存近務者丧遠圖今之議者或不

火とりったます 量為節文殷富者令還貧弱者令住檢責已定計料 達於變通以為軍府之地戶不可移關輔之人貫不 符到百日為限限滿不出依法科罪選之邊州如此 防禁與人更始所謂限制者逃亡之人應自首者以 則戸無所遺人無所匿矣 隷也就令逃亡者多不能總計割隷猶當計其戶等 可改而越關繼踵有府相尋是開其逃亡而禁其割 已明戶無失編人無廢業然後按前獨申舊童嚴為 文獻通考 主

武后神龍元年戶六百三十五萬六千一百四十 ならしたんといる 元宗開元十四年戶七百六萬九千五百六十五 本戶丁中用為等級不得以析生蠲免 析之戶並須與本戶同不得降下其應入役者共計 萬歲通天元年勅天下百姓父母令外繼别籍者所 按開元二十五年戶令云諸戶主皆以家長為之戶 内有課口者為課戶無課口者為不課戶諸視流內 年宇文融請括籍外逃戸羨田從之城四

ていコラントラ 諸戸欲析出口為戸及首附口為戸者非成丁皆不 盡子孫聽取先親皆先輕色無近親外取白丁者人 諸年八十及篤疾給侍一人九十二人百歲五人皆 客女奴婢皆為不課戶無夫者為寡妻妾餘准舊令 十八以上不得析即所繼處有母在雖小亦聽析 合析應分者不用此令諸戶計年將入丁老疾應徵 取家内中男者並聽諸以子孫繼絕應析戶者非年 九品以上官及男年二十以上老男廢疾妻妾部曲 文人通考

天實十三載戶九百六十一萬九千二百五十四 後不須更貌若有姦欺者聽隨事貌定以附於實 免課役及給侍者皆縣令貌形狀以為定簿一定以 通典天實十四載管戶總八百九十一萬九千三百 計其轉年合入中丁成丁五十者任追團貌 九年制天下雖三載定戶每載亦有團貌自今以後 九應不課戶三百五十六萬五千五百應課戶五百 三十四萬九千二百八管田總五千二百九十一

制如聞百姓或有戶萬丁多首為規避父母見在別 籍異居宜令州縣勘會一家有十丁以上放兩丁征 課口八百二十萬八千二百二十一唐之極盛也 化如更犯者准法科罪 行賦役五丁以上者放一丁即令同籍共居以敦風 三載更令民十八以上為中男二十三以上成丁又 九千三百九不課口四 千四百七十萬九百八十 通典曰我國家自武德初至天實末凡百三十八

九三日 五 1.25

文獻通考

二十九

金ラロたと言 賦門 然者以漢文景而武帝繼之以隋高祖而煬帝 致堂胡氏曰世有博古者言自古人主養民至 年可以比崇漢室而人戶纔比於隋氏葢有司不 於耗豈人力所能過哉是以數言亦然亦不然也 以經國馭遠為意法令不行所在隱漏之甚也論 未有溢於一千萬戸明皇幾之矣繁夥既甚理復 千萬戸則止矣三代以上無經據者兩漢而後誠

待易世而身自毀之化禍亂稍平幾去其半徒以 戮之禍父子祖孫連數十世為太平之民王者代 淺促之比也然則唐虞夏周之民豈止一千萬己 而已哉養之既至教之又備無天礼瘥及兵革殺 天理物於是為盡矣明皇事國雖久戶口雖多不 丕業太平亦二百餘年豈與後世中國無事之時 之以明皇而禄山出馬不然者克舜禹啓太平凡 三百餘年周成王身致刑措康王穆王昭王嗣守

15/2./7.51 /.1

丈人形考

金グロだ全書 乾元三年戸一百九十三萬三千一百二十五 肅宗至徳二載戶八百一萬八千七百 賦别有追索 充課稅逃人歸復宜並卻還所由亦不得稱負欠 勃逃亡戶不得斬徵親近及隣保務徒減省要在安 存又勃應有逃戸田宅並須官為租賃取其價直以 内有一楊太真外有一李林甫而致之嗚呼可不 監哉可不監哉

てきしつら しこ 百九十九自天實十四載至乾元三年損戶總五百 口總千六百九十九萬三百八十六不課口千四百 7五百九十二 三萬三千一百三十四不課戶總百一十七萬四 八千七百二十三 ,萬二千五百八十四損口總三千五百九十 萬九千五百八十七課口二百三十七萬七 一年見到帳百六十九州應管戸總百九 一課戶七十五萬八千五百八十二管 文次通号

= 1

代宗廣德二年戶二百九十三萬三千一百二十五 詔一戶三丁者免一丁凡畝稅二升男子二十五為 成丁五十五為老以優民 二年 勃如有浮客願編 課者居三分之一有奇今觀乾元戶數則不課者 避城重之故遞相隱漏且疑天實以上戶不應不 國所上戶口版籍終不能及三代兩漢之數益以 愚當論漢以後以戶口定賦故雖極盛之時而郡 及居其太半尤為可笑然則是豈足憑乎訴見田

てこうらした 您宗建中元年定天下兩稅戶凡三百八十萬五千七 通典主戶百八十餘萬客戶百三十餘萬 附請射逃人物業者便准式據丁口給授如二年以 宅盡者宜委本州縣取逃死戶田宅量丁口充給 大歷元年制逃戶復業者給復二年如百姓先賣田 )種植家業成者雖本主到不在却還限任別給授 通典論曰昔賢云倉原實知禮節衣食足知祭唇 丈敬通考 三士

金字四屋全書 則至浮浪以大實蓄家之所役屬自收其利也之養贏贏者大實蓄家也正數之戶既避其城人貧重飲則多養贏而國貧不其然矣正戶籍 康家足則教從及是而理者未之有也夫家足不 曰富之既富矣又何加馬曰教之故知國足則政 夫子適衛冉子僕曰美哉庶矣既庶矣又何加馬 名數雖繁亦有良規不救時弊音東晋之宅江南 王以前井田定賦泰革周制漢因泰法魏晋以降 在於逃稅國足不在於重飲若逃稅則不土著而 卷.

たとりまれたす 多依豪室禁網縣紊姦偽尤滋髙類覩流冗之病 載有戶八百九十萬矣四百八十餘萬其時承西 魏丧亂周齊分據暴君慢吏賦重役勤人不堪命 前志隋受周禪得戶三百六十萬開皇九年平陳 庚戌土<u>斷之令財豐俗阜實由於茲其後法制廢</u> 又收户五十萬泊於大業二年干戈不用唯十 她舊弊復起義熙之際重舉而行已然之效者在 也慕容符姚迭居中土人無定本傷理為深遂有 文獻通考

Ī

邁於西漢約計天下編戶合踰元始之間而名籍 後行其今然庶懷惠姦無所容隋氏資儲遍於天 建輸籍之法於是定其名輕其數使人知為浮客 至天實末百三十餘年總如隋氏之數聖唐之 被强家收大半之賦為編此奉公上家輕減之 下人俗康阜頗之力馬國家貞觀中有戶三百萬 歸於於避 於編戶陷代之盛會 實由於立之表首 此先數其信以此先數其信

をいした

欠アコーション 建中初天下編配百三十萬賴分命點陟重為按 職乖法因事弊隨名青實之義闕考言詢事之 日 道,目程典親簿領謂之淺俗務根本去枝葉目以 15 始兵 )潤職事委於郡胥貨賄行於公府而至此也自 年口經減 百少萬猶 不年收中 **美可** 文獻通考 直以選賢授任多在藝文才與 量起載追都 漢兵有悔有時成戶方八 息百五 合不二征九百 有至百伐十九 數耗十後萬萬 也其 計浮萬平 漢時

金ケロー 賦 加建無假得徵之公 毗亡 有常規 益中諸名 檢飲二計 收 莫新色入制多三 入公稅 被 由令役任烝名十定 重未 八籍誠適時之令典 浮並萬或庶且分庸 浪入端托不無唯調 增倍 知 定 悉兩蠲迹知常 及 收稅除為告數耳租 而 丰 規常鈍僧訴貪自其 避額岁或其吏兵稅 共諸 無既者占丁橫與戶 得道 即募校您以雖 拯 三加 所立 弊之良圖 百出 被軍猾因後無 徵伍者緣經出 百 使 輸或即為費王 臣 |图依多姦不公 萬十 **竭倚**規法充以姓舊 萬 制 日豪避今於下備制 甚族或莫是比上百

ころのいという 亂不起所以周官有化閱族黨州鄉縣遂之制維 富家足教徒化被風齊俗一夫然後災診不生 理也在於周知人數乃均其事役則庶功以與 晋 計五 益農桑之業安人濟用莫過於斯矣計為海 征繕自減其半賦既均一人知稅輕免流離之患 共作作等一大十一大十一大十一件 漸艱詳今日之宜酌晋隋故事版圖可增其倍 五置兵按 十萬戶稅自然各減毅 古之可得五百萬矢以五百萬大以五百萬七之數者,正代戶口多不過五少不減三 文献通考 圭 古之為 悖 百 國

金ケビだと言 憲宗元和時戶二百四十七萬三千九百六十三 四十八道管州府二百九十三縣一千四百五十三 史官李吉甫撰元和國計簿十卷總計天下方鎮凡 脱漏人如鳥獸飛走莫制家以之乏國以之貧姦 道可無其本軟 完漸與傾覆不悟斯政之大者遠者將求理平之 受之其敬之守之如此之重也及理道乖方版圖 持其政綱紀其人孟冬司徒獻民數於王王拜而

沿清十五道七十一州並不中戶口數目 每歲賦夏重鹽河東易定魏将鎮冀范陽倉景淮西 每歲賦 量士馬三分加 六年制自定兩稅以來刺史以戶口增損為其殿最 見定戶二百四十四萬二百五十四等鎮武沿原 南等道合四十州一百四十萬戶比量天實供稅之 **徵科妄飲又在常役之外** 戸四分有一天下兵戎仰給縣官八十三萬餘人化 倚辨止於浙西浙東宣飲淮南江西鄂岳福建湖 一率以兩戶貨一兵其他水旱所損 二次二方 Ē

金好四库全書 寒觀察使嚴加訪察必令請實 故有析戶以張虚數或分産以係戶無招引浮客用 衙州刺史呂温奏當州舊額戶一萬八千四百七除 為增益至於稅額一無所加徒使人心易摇土著者 稅戶一萬六千七百昨尋舊案詢問問里承前徵稅 並無等第又二十餘年都不定戶存亡孰察貧富不 五十七臣到後團定戶稅次檢責出所由隱藏不輸 貧窮死絕老幼單獨不支濟外堪差科戶八千二百

7). 17 政惡之勃謝病免 由聚斂之臣剝下媚上惟思竭澤不慮無魚故也執 若均助於疲人臣請作此方園以救彫察庶得下免 並不曾科徵所由已私自飲率與其潜資於姦吏岂 均臣不敢因循設法團定檢獲隱戶數約萬餘州縣 偏苦上不缺供動肯宜付所司 今纔百戶関鄉縣舊三千戶今纔千戶他處皆然卷 庫部負外郎李勒上言臣過渭南長源鄉舊四百戶

金好四库全書 敬宗實歷時戶三百九十七萬八千九百八十二 穆宗長慶時戶二百九十四萬四千五百九十五 文宗開成四年戸四百九十九萬六千七百五十 唐食貨志天實戶數通以二戶養一兵長慶以後奉 獻百姓難乎其阜蕃矣 致堂胡氏曰天實初戸幾一千萬元和初合方鎮 有戶百四十四萬是十失其八也憲宗急於用兵 則養民之政不得厚重以用异磚聚紋受諸道貢

てき りゅんし 武宗會昌時戶四百九十五萬五千一百五十 破失人戶或恐務免征稅減剋料錢祗於見在戶中 至流亡将欲招級必在資產諸道頻遭災於州縣不 會昌元年正月制安土重遷恭民之性尚非難寫旨 分外攤配亦有破除逃戶桑地以充稅錢逃戶產業 無歸還不得見戶每年加配流亡轉多自今以 -春百姓翰納不辨多有逃移長吏懼在官之時 一兵詳別國 文集通考

貯待歸還給付如欠少即與收破至歸還日不須徵 村前實檢會桑田屋宇等仍勒令長加檢校租佃與 應州縣開成五年已前觀察使刺史差强明官就鄉 錢物合十分中三分已上者並仰於當州當使雜給 理自今以後二年不歸復者即仰縣司召人給付承 用錢內方圓權落下不得剋正負官吏料錢及館驛 佃 人勿令荒廢據所得與納戸內征稅有餘即官為收 仍給公憑任為永業其逃戶錢草斛斗等計留使

金安四居全書

卷十

火三日事三 使料遞垂作人課等錢仍任大戶歸還日漸復元額 產人且為個事與納稅如五年內不來復業者便任 等同檢勘分明分析作狀送縣入案任鄰人及無田 大中二年正月制所在逃戶見在桑田屋宇等多是 但人為主逃戶不在論理之限其屋字桑田樹木等 開田從今已後如有此色勒村老人與所由并鄰近 悉將斫伐毀拆及願歸復多已落盡因致荒廢遂成 暫時東西便被鄰人與所由等計會推云代納我錢 文獻通考

縣除赤縣畿縣次赤次畿外其餘三千戸以上為望縣 周廣順三年勃天下縣邑素有差等年代既深增損不 其中有戶口雖眾地望則甲地望雖高戶口至少每 違犯者據根口量情科責并科所由等不檢校之 調集不便銓衡宜立成規庶協公共應天下州府及 婢為兩稅戶十五萬, 會昌五年天下所還俗僧尼二十六萬五千餘, 何人逃戶未歸五年內不得軌有毀除斫伐如有

インとへし

と言言

府所管縣戶數目合定為望縣六十四緊縣七十 縣戶口數定望緊上中下次等奏聞戶部據今年諸州 為中縣不滿五百戶為中下縣宜令所司據今年天下 千戸以上為緊縣 百二 ī 十四中縣六十五下縣九十七 千戸以上為上 こけっこう 一縣五百戸以上

金定匹库全書 文献通考卷十 老十二